

玄覽堂叢書續集

第三十冊

| |
|----------|
| 9(5)(08) |
| 0079 |

0528449
no.1



國立臺灣大學圖書館典藏
由國家圖書館數位化

國立臺灣大學圖書



大元大一統志卷第一

奏進

集賢大學士資善大夫同知宣徽院事臣李爾所

昭文館大學士中奉大夫秘書監臣岳鉉等上進

孟州

528449

民國37.2.7

元大一統志

卷一百二十二

自編六

翻印

大正六一年

蔡

蔡文節公集卷之六
蔡文節公集卷之六
蔡文節公集卷之六

真

25843

V.S. 1

太原人善行氣不食服入門冬療病不用鍼灸在人間三百歲乃入王屋山茅君內傳云王屋山洞周回近萬里名曰小有清虛之天按洞天福地記濟瀆源出王屋山名洸水係清源王所理又有齊子嶺在王屋縣東十二里即宇文周與齊分境之所又析城山在王屋縣西北六十里其峯四面形若城有南門焉故曰析城口

太行山

即皇母山也或名曰女媧山上有祠居
民歲時禱之多應其山起於濟源縣界
距縣十八里崔伯易作感山賦凡數千
萬言韓愈詩云是時新晴天井溢誰把
長劍依太行韓文注云天井闕在太行
山上

天壇山

在濟源縣西一百二十里洞天之一也
王屋之北山峯突兀頂上有石壇世傳
軒轅祈福之所洞淵集云天壇一號清

虛小有洞天頂上嘗有五色祥雲覆焉
旦夕有五色影現於壇之東西夜有芝
燈燦然巖谷間號曰仙燈又有仙貓洞
唐劉禹錫送其兄歸玉屋山隱居據道
書山一名陽洛詩云陽洛天壇上依稀
似玉京夜分先見日月淨遠聞笙雲路
將雞犬丹臺有姓名古來成道者兄弟
亦同行杜甫詩云萬里仇池穴潛通小
有天白樂天亦云天壇在天半欲上心
遲遲山有靈壽杖黃庭堅以此送孫覺

有詩云王屋千霜老紫藤扶公休沐對
親朋異時駟馬安車去拄到天壇願力
能近代元好問有詩云同向仙家敵丹
鼎不隨雞犬上青天謂仙猫也即唐司
馬鍊師得道之所

華蓋峯

在陽臺宮之後宋徽宗游幸之所今臺
猶在

孔山

在濟源縣西北三十里沁口之西山峯

有穴南北相通遠近洞見穴中石上有
車轍牛跡自然成者非人力所爲因以
名之白樂天詩云孔山刀劍立沁水龍
蛇走是也

白澗山

在濟源縣東北三十里有懸泉邑人號

曰白澗

琮山

在濟源縣東北三十里即溴水所出

莽山

在濟源縣西北四十里相接王屋山上
多草莽因爲名俗呼爲王莽山

陵山

在濟源縣西北一十里形勢孤絕如丘
陵之狀爾雅云大阜爲陵因名山上有
寺曰寶峯院

猴嶺山

在濟源縣西北十五里山據太行之南
上有狙猿羣因名俗稱侯景山

武山

在濟源縣西十三里北接猴嶺舊名白
虎山以形勢爲名山之東麓有石若卧
牛之狀號曰石牛村

嶢山

在濟源縣西南二十五里有石嶢巖因
以爲名

共山

在濟源縣北稍西原鄉之北揚景謨云
山海經謂灑水出焉西北流入秦澤行
地下至共山南復出東丘蔡肅閑詞云

濟源盤谷共山沐澗端如倒蔗謂此也

黃河

在河陽縣南一十七里即孟州渡西自
濟源縣西王屋山夾中流出南去縣四
十五里經從本縣境一百九十里東至
駝塢村南十里入溫縣界蓋自河陽縣
西來歷溫縣南東入武陟縣界

濟瀆

在濟源縣西北五里平地而出其源有
二禹貢導沈水東流爲濟蓋沈水之源

出於天壇山絕頂之西半崖間狀流至此爲二源而出東流與沆水合山海經云王屋山之東瀕水出焉郭璞云瀕水是沆水之源瀕沆聲相近即沆水也禹貢導沆水東流爲濟入于河溢爲滎東出陶丘北又東至于荷又東北會于汶又東北入于海顏師古云導沆水而爲濟截河又爲滎澤陶丘在定陶而南過荷澤又與汶水會北折而東入海也按沆水出王屋縣山東流至濟源縣而爲

濟水然水澤即今萊澤縣定陶即今濟
陰縣荷澤即今魚臺縣汶水在萊蕪縣
然濟水因王莽末旱渠涸但入河而已
不復截河南過今東平濟南淄川北海
界中有水流入于海謂之清河實荷澤
汶水合流亦曰濟河蓋因舊名非本濟
水也而水經引漢和帝以後所撰乃言
濟水南過萊澤至于乘氏等縣一依禹
貢舊道斯不詳之故也九州要記云濟
源縣有慢流水王漿澗木溝皆會于濟

也爾雅云水注會曰瀆蓋謂此也宋嘉祐中自濟源祠東百步許開千倉渠一道築千功堰一道其水分爲二渠東北引水灌溉民田東入于懷以灌城壕一渠南流與滌漠相合東歷孟州入于河寰宇記云西池南出有二源其東源周回七百步深不可測西源周六百八十五步深一丈皆繚之以牆源出王屋山今按圖冊云濟水有二源東源池方百步深不可測繚之以垣即今靈池也西

源周回約二百步淵深亦然東流入溫
南截河溢出爲滎即今滎澤是也其水
清潔性喜潛伏入河不渾載之祀典而
尊崇之者爲有源以會衆水而朝于海
也

澳河

在濟源縣其源有三其一源出自原城
西北琮山訓掌谷口俗呼爲白澗水春
秋會諸侯于澳梁即此一源出縣西二
十里曲陽城西南山一源出陽城南溪

至縣西南官橋村北出焉東流至縣東
與洧水合又東流去縣十里至皮城村
入河陽界東入于河

沁水

在濟源縣東北二十八里其源出沁州
陽城縣經太行山至本縣北燕川東出
孔山歷沁臺入河內界

枋口

在濟源縣之東北燕川之東南兩山之
口沁水出焉一曰沁口韓愈詩平沙綠

浪傍枋口鴈鴨飛起穿楊柳又盆池詩
曰一夜清蛙鳴到曉恰如枋口釣魚舟時
白樂天詩云危磴上懸泉澄灣轉枋口
文彥博詩云下馬入枋口漾船沿碧溪
雪消山骨瘦風急浪頭低數里復登岸
羣賢同杖藜徘徊巖石半尋覓退之題
其水之南有石崖隋唐間名士磨崖多
有題名者知名者惟韓愈蕭穎士李愿
之流按水經云沁水之南有石門謂之
沁口石門是晉安平憲王司馬孚爲之

岸口壘石以爲門舊是木門以枋爲之
故曰枋口今王寨村司馬孚古堰尚存
隋盧奐唐節度使溫造俱嘗開渠灌溉
民田名曰廣濟渠

國朝己未歲勸農官楊端仁王允中奉

詔旨復開枋口引水溉濟源武陟河內河陽溫五

縣民田亦云廣濟渠

泥溝河水

在濟源縣西南二十里源出澤谷西水
經云泥溝水出軹城西南山下轉流入

軹屈曲北流東入于溴河

天漿水

在濟源縣南二十里其源出軹城西南
向城北其水二源各出一溪東北合流
又東北至趙村會泥溝水正東與洧澳
相合

懸泉

在濟源縣東北白澗山其水從上穴空
而落下澗東南入于沁

馬頭溪

在燕川之北沁水一帶地名也韓愈詩
云馬頭溪深不可厲倩車載過水入箱
白澗水

濟源縣西北琮山即澳源也

龍潭

在濟源縣西北五里其源出延慶院之
西有泉湧出匯為數池廣數畝人傳淵深
處有龍居焉東流經濟瀆廟前又東北
入于河

泗澗水

在濟源縣南二十里稍西有澗水出焉
五龍溪

在濟源縣沁口五龍祠北白樂天詩云
公門欲返駕溪路猶迴首是也

太液池

在天壇西半崖間有泉流出湫流而下
鄉人歲時遇旱則禱焉

淇水

在王屋山東自天壇避秦溝出焉引流
而南入于河

涕水

亦名溴河在溫縣西三十五里從河陽縣界流入縣境馳塢村南合入黃河寰宇記云涕水在古城西東南流注於河涕與濟通即淇水也

澆水

源自濟源縣之西四里潘村後出東流經縣之北郭又東至柙橋與濟水合又東南與澆溴合又東入河陽縣界東入

于河

土產

鐵

有冶在濟源縣西百里西山百家平歲

煉辦課

麻

河陽濟源二縣出

布

濟源縣軹城出

硝

河陽縣舊孟州出

蓮

河陽縣出

魚

河陽縣出

天門冬

濟源縣出

風谷鬼見草

草薺

紙

並出濟源縣

棗

柿

並出溫縣

風俗形勢

孟州古河陽地風土得宜民性好惡不偏
興淳儉之化息崇侈之風

雖地有肥磽之殊而頗宜五穀風俗尚儉
河陽濟源二縣皆然

土壤腴潤其民純質溫縣之俗也

溫軹西負上黨北負趙史記云

大行之南黃河之北其地向陽濟源縣

南控黃流北連懷壤河陽縣

舟從砥柱過雲自太行來宋岸出鎮河陽

詩云

作

世出五族

風俗形勢

五洲書河海地氣土物宜民性好惡不備

物產之化異於他風

書云有北極之天而地宜五穀風俗尚農

世於地宜靈且天汗來采氣出巖石則

山珍寶物北極則寒而南極則熱也

大元大一統志卷一百二十二

大元大一統志卷第一百二十三

秦進

集賢大學士資善大夫同知宣徽院事臣李蘭貯

昭文館大學士中奉大夫秘書監臣岳鉉等上進

孟州

古蹟

盟
孟津

在今河陽縣南十里即周武王觀兵處
蘇忿生十二邑有盟津今平陰縣北津
是也或謂之富平津或謂之小平津或
謂之陶河渚皆異名也在河陽縣南即

魏尚書杜畿船沈之所尋立爲河陽國
禹貢註盟津地名在洛北都道所湊古
今以爲津又周書註云孟乃河北地名
春秋所謂向盟是也故史記謂之盟津
漢嚴尤作銘大旨謂昔在周武集會孟
津魚入王舟乃往克殷

河陽縣古城

在河陽縣西南三十里即周襄王所狩
之地昔潘岳爲令多植桃李號曰花縣
土人謂之潘岳城遺址猶在

程莊古城

在今河陽縣北十五里至今猶有遺址
存焉

孟州古三城

在河陽縣南十五里按齊書神武使潘
岳鎮北城即舊北中府城也今稱爲下
孟州高永樂守南城以備西魏今孟津
也東魏所築中渾城厥後城廢或言今
夾灘是也

古坂城

在河陽縣西北三考^十五里左傳隱公十
一年王以易鄭餘邑即此寰宇記云按
坂城莫知爲何邑也今從報冊所載

浮橋

在河陽古縣南一里晉太始十一年杜
預征南所造晉武帝勞預曰非卿不能
造此預對曰非聖明臣不能施功此施_地
是也

畜魚池

按唐書城有池唐永徽四年濟水漲之

開元中以畜黃魚按舊志古貢黃魚鮓
今城尚有水泊居人種蓮蒲畜魚池疑
卽此也

河陽宮

隋文帝所置入唐宮廢

河陽關

在河陽古縣城南遺跡猶在

新城村古城

在河陽縣東七里

令狐村古城

在河陽縣西北一十三里

遮馬隄

在河陽縣西南十三里後魏尙朱榮殺

朝士千三百人於此

西濟川故城

唐所置周圍一十三里今濟源縣城在

此城內跨城東垣稍北周圍七里乃隋

唐以來濟源縣城也

古原城

在濟源縣西北十五里晉文公伐原示

信即此城也今名原鄉後漢郡國志云
軹有原鄉是也

柏崖城

在濟源縣西南八十里唐武德四年於
此置懷州後移懷州于野王城此遂廢
軹故城

在濟源縣南十三里秦漢時爲繁會之
處史記云秦伐魏取軹漢爲縣故城基
址尚存今爲軹城村

廢王屋縣

在濟源縣西八十里本成周畿內地召
公之邑平王東遷亦爲采地縣西有康
公祠六國屬魏漢爲河東郡垣縣地後
魏皇興四年分置長平縣屬邵州北齊
置懷州後周武成三年州廢改爲王屋
縣因縣北十里山爲名仍于縣置王屋
郡焉元和六年又於郡理立西懷州建
德六年省爲王屋郡隋開皇三年罷郡
以縣屬邵州大業六年州省以縣入河
內郡唐武德元年改爲邵伯縣後建都

河洛顯慶三年復爲隸河南府采慶
歷三年割屬孟州四年還舊熙寧五年
復來屬金因之

國朝至元三年併入濟源

軹關陘

乃太行第一陘也東魏以鎮西將軍平
鑿爲懷州仍以軹關屯戍以防西魏遺
跡今存

古沁水城

在濟源縣東北沁水南沁臺西今名王

寨城後漢郡國志曰波有沁水即此地也

古河清縣

在濟源縣西南六十里隸洛州今蓼塢村是也

沁臺

在濟源縣東北三十里今爲村名

皮城

在濟源縣東南二十八里周圍四里六十步皮城之名不見經史按後漢郡國

志云河內波縣波有絺城沁水左傳曰
王以溫原絺樊與鄭即絺在溫原之間
與沁水相近杜預又謂絺在縣西南而
沁水在縣之東北近于波即今皮城疑
是古波城也其一字之誤歟酈道元水
經亦云溴水東北經故波縣北今溴水
經皮城北過即皮爲波尤明矣又漢封
不害爲皮侯是也

向城

在濟源縣西南即周向國也蘇忿生所

隸之邑左傳曰桓取向以與鄭是也

曲陽城

在濟源縣西南十五里史記魏昭王十
九年秦拔我新垣曲陽之城是新垣即
王屋也魏武侯二年置亦名王垣陽亦
樊也國語曰王以陽樊賜晉人也春秋
樊氏叛惠王使虢公伐樊執仲皮歸于
京師即此城今其地亦有樊村莊

古溫城

在溫縣西南三十五里亦蘇忿生之邑

遺址猶存相傳魏司馬懿曾於此築城
今爲招賢村

李城

今溫縣是也春秋戰國爲李侯邑史記
秦圍邯鄲傳舍吏子李同說平原君得
敵死者三千人赴之秦軍却追三十里
會楚魏救至秦軍罷李同死封其父李
侯徐廣曰河內平臯縣亦有李城唐於
縣置李城

平臯城

在溫縣東一十五里漢置平臯縣高祖封劉卬平臯侯即此城跡尚存今土人呼爲平臯村舊屬武德縣

玉泉

在濟源縣東一里洧水之北岸乃唐盧仝之泉上有寺名曰玉泉寺

侍中庵

在濟源縣西北龍潭延慶院西即陳堯叟讀書處故基尚在四今碑係司馬溫公之文

裴公亭

唐相裴相所建在濟祠之側後人有詩
曰裴相亭成未退身空煩舞袖與歌塵
至今亭下蕭蕭竹似對西風怨主人趙
秉文題額

傅堯俞草堂

在濟祠西數十步水竹掩映餘跡尚存
蘇東坡贈傅堯俞詩云先生卜築臨清
濟喬木而今似畫圖今呼爲傅家園黃
山谷寄題云河南有伏流經營太行根

盛德不終晦發爲清濟源公家濟源上
太行當正門修竹當藩籬百禽鳴朝暾
仰視浮雲作俯窺流水奔相望有盤谷
李愿故居存司馬溫公亦有詩云林間
清濟水門外太行車

平嵩閣

在州後園因城爲臺北倚太行南憑嵩
少俯瞰黃流賢河陽偉觀故基尚存宋
李文定公迪詩云南指嵩高北太行大
行中出貫雲長君王不恃金湯險自有

仁恩結四方

德威堂

在州治蘇軾作記銘大意謂潞國文公
自相府出鎮三城公之子及甫亦來爲
守請銘于軾榜曰德威取德威爲畏之
義中更靖康兵革焚毀

太師堂

太史范祖禹作記謂神宗熙寧六年潞
國文公以司徒侍中河東節度由宰輔
出鎮三城明年留守北都元祐五年歸

洛六年十二月公之子集賢殿修撰周
翰遣來作守明年二月周翰奉公安輿
至河陽父老覲公儀刑如見父母府舍
瀕河地鹵下濕周翰因舊治而新之榜
曰太師之堂公作二詩周翰刻之石

揚清閣

宋慶曆中河陽令鮮于亨築亭于潘岳
所治縣之後園曰聯芳架閣曰揚清後
四十年元祐三年高元敏來作邑治地
闢園尋故地改閣爲亭仍以揚清名之

黃庭堅作記後經兵革廢矣金時遺址
猶存元好問嘗有賦咏

靈井

在濟源縣西二十里東魏以鎮西將軍
平鑿爲懷今仍於軹闕築城以防西魏
新城少水有土井隨汲即涸鑿整衣冠
俯井而視俄而井泉湧出闔城用之不
竭此井今在故城中

張衡宅

在沁口之北衡字建平隋大業三年煬

帝幸榆林上太行開直道九十里以抵
其宅帝觀其山水留宴三日賜宅傍田
三十頃

石敬瑭別墅

今藏馬谷是也在濟源縣西六十里韓
村社俗呼爲特進莊即潛龍莊也

唐盧仝莊

地名玉川在濟源縣西北二十里花石
洞前盧仝詩云買得一片田濟源花洞
前在石村之北太行之南俗呼爲錯入

內蓋貴之也號玉川子莊

唐蕭俛別墅

在大行之中近北山有壘珠之像其上
平可登因石爲壘珠之壇壇左有洞深
廣又名蕭相洞即蕭相故居也按本傳
文宗時累遷太子太傅旣老家於洛歲
時賓客請謝以爲煩乃舍濟源別墅自
放山野優游窮年

溫造舊墅

在鐵岸東水磨社去濟源縣四里造字

簡輿姿表瑰傑史傳中言造不喜爲吏
隱王屋山號其居曰處士墅傳不言居
濟源然舊居之南有溫家橋橋之東有
五色泉今墓在縣西南三十里石刻尚
存白樂天有詩云白石清泉拋濟口碧
幢紅旆照河陽村人渾不知時事猶自
呼爲處壯士莊

望懷亭

在濟源縣枋口山上五龍祠西峯上有
亭名曰望懷唐賢哲游泳之所今遺跡

大元大一統志卷第二百八十二

奏進

集賢大學士資善大夫同知宣徽院事臣李蘭胎

昭文館大學士奉奉大夫秘書監臣岳鉉等上進

鄭州

管城縣 滎陽縣 汜水縣 河陰縣

建置沿革

禹貢豫州之域星分氏宿古軒轅所都之地高辛氏火正祝融之墟周初封管叔鮮建爲號鄭之國故周禮註壽星爲鄭之分實豫州之北境也鄭武公爲平王東遷武

公滅二國而徙都焉國語鄭桓公爲平王
司徒問於史伯寄孳與賄於虢鄆十邑註
云十邑謂虢鄆郟蔽補母依睪歷莘也此
卽莘地後鄭爲韓所滅韓又徙都之其東
境又屬魏秦并天下屬三川郡漢逮魏屬
河南郡晉泰始二年分河南地置滎陽郡
理古滎陽城宋初因之至武帝又立司州
刺史理虎牢領河南滎陽宏農三郡後魏
武帝置東桓農郡尋罷文帝又改司州
爲北豫州所領如之東魏天平元年析滎

陽置成臯郡理今之汜水又移滎陽理大
索城即今之滎陽也屬北豫州尋又分此
爲廣武郡理中牟置東中郎將府以總之
高齊天保七年廢成臯郡入滎陽郡亦屬
北豫州後周初改北豫州爲滎州取滎澤
爲州名領郡如故隋開皇三年罷郡改滎
州爲鄭州十六年於管城縣分置管州煬
帝三年廢鄭州改管州爲鄭州尋復廢鄭
州復爲滎陽郡唐武德四年平王世充置
鄭州于武牢領汜水滎陽成臯密滎澤五

縣其年又于管城縣置管州領管城須水
圃田清池四縣貞觀元年廢管州及須水
清池二縣以廢管之陽武新鄭管城圃田
四縣來屬七年自武牢移鄭州治所於管
城天寶元年曰滎陽郡朱梁於汴建都以
其地爲畿內地故輔王都置防禦使治之
宋景祐元年號奉寧軍節度兼河防使熙
寧五年廢隸開封府元豐八年又爲奉寧
郡復行鄭州事元祐元年復爲奉寧軍崇
寧四年建爲西輔金天眷二年復爲鄭州

壬辰歸

國朝不改舊領管城滎陽汜水河陰原武新鄭密
滎澤八縣及司候司領在城事後割出新
鄭密二縣屬鈞州滎澤原武隸開封府併
司候司入管城今領縣四

管城縣

本周封管叔鮮之國杜預釋例國在滎陽
縣東北春秋晉師救鄭楚子次于管以待
之即此漢晉爲京縣地及中牟界屬河南
隋開皇十六年於此置管城縣屬滎陽郡

十八年改內牟曰圃田省入管城大業二
年改鄭州爲管州縣屬焉唐貞觀七年自
武牢移鄭州理此東有圃田爲豫州數有
邙城爲縣南左傳晉楚戰處五代至宋因
之金貞祐二年於此囚愛王改縣爲洧州
又作故市縣至

國朝戊戌歲復立鄭州仍爲管城縣在郭

滎陽縣

古號國所謂東號也按今滎陽則古大索
亭也左傳晉韓起如楚送女鄭子皮勞諸

索氏是也又縣東北四十里有小索城存
即六國時二索也又京城太叔即在縣正
東郡城也秦置教倉史記楚漢戰于索京
間酈生說高祖據教倉之粟是此漢爲縣
屬河南郡晉泰始二年分河南郡立滎陽
郡取名於滎澤也後魏太和十七年滎陽
自漢故理移於今所北齊改曰成臯郡隋
開皇初郡廢僑鄭州建都河洛割入洛州
唐天授二年七月分滎陽地于縣西立武
泰縣屬洛州亦曾移此額於今郡西北五

十里古滎陽城安置神龍元年復爲滎陽
縣以隸鄭州歷五代宋至金因之

國朝不改

汜水縣

古東虢國春秋鄭之制邑漢爲成皋縣屬
河南郡左氏傳制巖邑也虢爲鄭所滅穆
天子傳云穆天子獵于鄭國有虎在葭中
七萃之士擒之以獻命畜之東虢號曰虎
牢今界內有虎牢城存焉戰國屬韓秦屬
三川郡楚漢相距於滎陽成皋即此地後

爲縣北臨黃河後漢爲成臯關魏又爲縣
復屬河南郡晉隸滎陽郡宋武帝北平關
洛置司州後魏明帝置北豫州太和十九
年罷州置中郎將府東魏靜帝天平元年
罷府又置北豫州并成臯郡同理於此高
齊天保七年省北豫州周宣帝宣政元年
置滎州隋開皇元年改爲鄭州三年罷成
臯郡十六年析鄭州置管州十八年改爲
汜水縣唐武德四年分置成臯縣貞觀六
年省入汜水縣以屬鄭州明慶二年改屬

河南府垂拱四年改爲廣武縣神龍元年
復爲汜水縣會昌二年屬孟州宋建隆元
年以河東未定權隸洛州慶厯三年復隸
河南府熙寧三年省縣爲行慶闕隸河南
府鞏縣四年復置五年省爲鎮併入河陰
縣元豐三年復置隸孟州金遼來屬

國朝不改

河陰縣

周時於廣武山置平陰縣遺基尚存漢徙
於瀕河山下爲平陰縣以其在平城之南

故爲縣名屬河南郡唐開元二十三年侍
中裴耀卿奏以地當汴河口便于漕運宜
折汜水滎陽武涉三縣地置縣以頓之因
在河之南故於輸場輔一云東渠口北二百
五十步立河陰縣隸河南府會昌元年屬
孟州宋熙寧五年省汜水入焉金割以來
屬仍舊名

國朝不改

坊郭鄉鎮

管城縣

圃田鄉 富戶鄉 懷忠鄉 管鄉

滎陽縣

高陽鄉 敦義鄉 孝義鄉 尊賢鄉

滎邑鄉

汜水縣

制巖鄉 龍泉鄉

河陰縣

廣武鄉 鴻溝鄉

里至

本州

北至大都一千五百七十里

北至上都二千三百七十里

東至本路一百四十里

東至中牟縣界三十里

南至新鄭縣界三十里

西至鞏縣界一百二十五里

北至滎澤縣界四十五里

東到中牟縣七十里

西到鞏縣一百五十里

南到許州一百一十五里

北到滎澤縣六十里

東北到原武縣七十里

西南到鈞州一百八十里

西北到懷孟路二百二十里

東南到洧川縣一百四十里

管城縣

至都并本路與本州同

東至中牟縣留村界三十里

西東至滎陽縣京水河二十里

南至新鄭縣郭店界六十里

北至榮澤縣汴河界四十五里

東到中牟縣七十里

西到滎陽縣七十里

南到新鄭縣一百一十五里

北到滎澤縣六十里

東南到洧川縣一百四十里

東北到原武縣七十里

西南到密縣一百八十里

西北到河陰縣六十里

滎陽縣

北至上都二千三百里

北至大都一千五百里

西南至本州七十里

東至管城縣中郭村界四十五里

西至汜水縣夏侯保界五里

南至密縣范村界四十五里

北至河陰縣張村界二十五里

東到管城縣七十里

西到汜水縣三十五里

南到鈞州密縣七十里

北到河陰縣六十里

東南到新鄭縣一百三十里

西北到懷孟路溫縣九十里

東北到滎澤縣七十里

西南到河南府登封縣一百五十里

汜水縣

北至上都二千三百三十五里

北至大都一千五百三十五里

東至本州一百五里

東至滎陽縣鴻溝界三十里

西至鞏縣界三十里

南至登封縣界鹿兒寨二十里

北至懷孟路溫縣一十里

東到滎陽縣三十里

西到鞏縣四十五里

南到登封縣一百二十里

北到溫縣二十五里

東南到密縣一百一十里

西南到舊芝田縣一百二十里

東北到河陰縣六十五里

西北到懷孟路一百里

河陰縣

北至上都二千三百里

北至大都一千五百里

東南至本州七十里

東至滎澤縣山莊村界一十五里

西至汜水縣樹何村界三十三里

南至滎陽縣張村界三十里

北至懷孟路武陟縣黃河五里

東到滎澤縣二十五里

西到溫縣八十里

南到滎陽縣六十里

北到武陟縣三十里

東南到鄭州七十里

西南到汜水縣六十里

東北到獲嘉縣一百里

西北到修武縣五十里

山川

梅山

在管城縣南三十里春秋時楚爲子馮

率師侵費滑還師於此

泰山

管城縣南五十里此非孔子登泰山之
山偶名同耳

靈源山

按神境記云滎陽縣西有靈源山其間
生靈芝石菌巖頂有石髓紫菊往往人
聞長嘯之聲

蘭巖山

神境記云滎陽縣西有此山峭拔千丈

常有雙鵲不絕來往傳云昔有夫婦隱
此山數百年化爲二鵲忽一旦爲人所
害其一鵲歲常哀鳴響動巖谷莫知其
年歲

嵩渚山

一名小陘山俗名周山在滎陽縣三十
五里索水所出山海經所謂少陘之山
器難之水出焉舊傳器之之水即索水
也

三山

在汜水縣界山有三峯故名

鵲山

在汜水縣北竇建德陣敗於此

方山

在汜水縣東南四十二里山海經云浮戲之山汜水出焉注水經云浮戲之山俗名方山經武牢城東漢破曹咎於此

三皇山

亦曰教鄩山山上有三城即漢楚相持於此山在河陰縣乃與滎澤縣界相接

廣武山

在河陰縣南一里東連滎澤西連汜水

縣

鄭水

一名不家水源出管城縣之梅山注水
經云不家溝水京縣東南梅山北溪
東北經管城縣西謂之管水又東北分
爲二水一水東北流注入黃雀溝即黃
池也

清水

唐開元遺志云滎陽有清水中有魚皆青色

三十里河

發源管城縣西南五十里泰山東經本縣三十里河與十八里河合流

十八里河

管城縣泰山發源出自本縣西南五十里經本縣十八里河至縣界七里與三十里河合流

圃田店河

一名欒巴河源出新鄭縣東北五十里
韓村見此泉數道金時於圃田店修隄
堰併入金水河南京內兵革皆散爲陂
塘又云圃田澤在縣東三里

金水河

在管水縣西南二十五里發源于迴山

南有宋建隆元年碑東流鄭圃溉稻一
百餘頃金貞祐二年開入南京宮城內
故號爲金水水河

京水河

在管城縣西南三十五里迴山西楊李
村發源有宋碑於本縣皇甫莊浸養鹽
地其後改入汴河又云京水在滎陽縣
東二十二里注水經云發源京縣黃堆
山東南流亦名祝龍泉泉勢沸湧狀如
巨鼎揚湯世謂之京水

須水河

在滎陽縣東南三十五里楚邨發源經
須水鎮西下流入滎陽縣田橋村入于

汴河

索水

在滎陽縣南三十五里注水經云索水出經縣西南嵩渚山與京水同源分流即古旃然水也左傳謂楚伐鄭次旃然即此水名漢書云京索之間亦楚漢之戰所

黃河

自鞏縣界流入汜水去縣東四十二里至河陰縣流入滎澤縣界

汜水

水有二鳥孟在鄭州春秋天王出居于
汜漢高祖即位于汜水皆是南汜在許
州襄城縣界非此也今在成臯東按京
都要記云板渚牛口渚在汜水縣東北
郡國十道記云汜水出縣南方山東始
合於河王荆公安石詩云汜水鴻溝楚
漢門跳兵走馬百重山李壁詩注云汜
水漢書在成臯者音凡又音似即汜水
縣之汜水也在濟陰縣者數劔反高祖即
位于汜水之陽者是也高祖四年漢數

挑戰于成臯大司馬咎渡兵汜水張晏
注曰在濟陰界如淳又引左傳曰在鄭
地汜臣瓚云高祖攻曹咎于成臯咎渡
汜水而戰合成臯城東汜水是也師古
曰此水不在濟陰瓚說之括地志云汜
水源出洛州汜水縣東南三十二里方
山山海經云浮戲之山汜水出焉

土產

石榴

河陰縣出見貢

梨

舊貢金時黃華王庭筠行河陰道中有
詩梨葉成陰杏子青榴花相映可憐生
林深不見人家住道上惟聞打麥聲

風俗形勢

習俗淳厚而朴野九域續志云

其俗剛武尚氣力寰宇記云

人無爭妬頑嚚之風地理志云

習俗務本不事末作輿地撮要云

俗習樸實絲綿堅密他郡所無輿地云

樂有麻黃之產果有雪梨之美而人知重
本勤于耕織輿地撮要云

前華後河右；左濟國語謂史伯對鄭桓

公之辭

滎陽西有蘭巖山峭拔千丈鴻溝在西乃
楚漢分界處輿地志云

據敖倉之粟塞成臯之險以示形制之勢
酈食其傳所云

望河洛之交流者成臯之旋門東京賦云
汜水東南二里南門名成臯北門名王門

汜水記云

管城理所直天下大達肘武平而咽東夏
中山劉禹錫作管城騷記云

子男之國號爲大注號即汜水也漢書云
汜水舊屬孟州今屬鄭州

王侯設險虎牢擁要扼之以五岳維嵩萃
焉通之以四瀆洪河突焉宜真咽喉九州
關闕域中夏唐賈至虎牢關銘

茫茫大埜萬邦錯峙維王守途設險于此
呀谷成塹崇巔若壘洪河在下太室旁倚

岡盤嶺蹙虎伏龍起鎖天中區控地西鄙
唐呂溫成臯銘

邈矣維高峻極于天磅礴崔嵬北臨洪川
嶽瀆會險蹙折封泉竇開虎牢作固伊瀍
維茲虎牢天設巨防攻在坤下拒在離旁
賈至虎牢關銘

城壓長川龍盤虎踞河流暗合溝池山色
遙連睥睨唐詩人雍陶河陰新城詩句

大元大一統志卷第二百八十三

奏進

集賢大學士貢善大夫同知宣徽院事臣字蘭盱

昭文館大學士中奉大夫秘書監臣岳鉉等上進

鄭州

古蹟

邲城

在管城縣東六里左傳晉荀林父帥師與楚子戰于邲即此城

莘城

在管城縣國語謂史伯對鄭桓公號鄆

有十邑葦其一也韋昭曰葦國也十邑
謂號鄆鄆蔽補母依噪庶葦也

滎陽故城

今滎陽縣即滎陽地按輿地志即古大
索亭也東號之地漢高祖遣御史大夫
周苛守滎陽城項羽既破城周苛罵不
絕口羽怒烹苛唐人李觀作碑大意謂
糜軀冀於不朽不朽在於立節立節在
于顯主主顯節立獨苛有之初苛殺魏
豹可謂無人薄我及拒項氏豈非臨難

不苟免耶

大索城小索城

今滎陽城所理即大索城是也又縣界
東北有小索城存即六國時二索也王
觀國學林新編曰前漢高祖紀曰韓信
收兵與漢王會兵復大振與楚戰滎陽
南京索間處之應邵注曰京縣名今有
大索小索城晉灼注曰索音冊顏師古
注曰索音求索之索前漢蕭何傳曰漢
三年與項羽相距京索間韓信傳曰復

擊破京索間師古注曰索音山客反觀
國按後漢郡國志河南有京縣有索亭
北征記有索水其字或作淳則淳音山
客反是已文選陸士衡撰漢祖功臣頌
曰京索既振引師北討五臣注曰索音
桑各切乃以索爲宵索絢之說誤矣韓
退之郾城夜會聯句雪夜收新息陽生
過京索於号字韵同押則知亦以索爲
宵爾索絢之索亦誤吳曾作漫錄辨之
曰春秋左氏傳昭公五年昔韓宣子如

楚送女叔向爲介鄭子皮子太叔勞諸
索氏杜預注云河內成臯縣東有大索
城陸德明音義曰索氏奚落反以左氏
證之五臣退之以索爲宵爾索綯之索
爲是而王說非也

祭城

在管城縣東北十五里公公第五子封
於祭城爲伯祭仲字仲足爲鄭大夫始
爲祭封人王以諸侯師伐鄭鄭人共攻
之祭足爲左拒

武彊城

在管城縣東三十一里曹參擊項羽攻武彊即此

故市城

在管城縣西北三十里漢爲縣後漢省徐晃擊袁紹軍于此

京墻城

在滎陽縣東南二十五里周平王時魯隱公元年鄭莊公即位母姜氏爲之制公曰制巖邑也號叔死焉他邑惟命請

京使居之封叔段謂之京城太叔段繕
甲治兵侵至廩延莊公命子封帥車二
百乘伐之京叛太叔段入于鄆公伐諸
鄆故址尚存今呼爲京牆城

坂城

在汜水縣東北三十里有津亦名板渚
河陰古城

有二楚漢相據處因割鴻溝爲界以分
東西其城二各方三里各丈餘在縣之
西南

虎牢

在汜水縣本春秋共叔段之邑戰國屬韓秦屬齊楚漢相距於滎陽成臯是也漢以爲成臯縣劉宋時毛德祖戍虎牢後魏晝夜攻圍二百日乃克之隋開皇十八年成臯爲汜水大業元年置虎牢都尉府有闕屬滎陽郡唐常侍賈至作虎牢闕銘柳宗元作唐鼓吹鏡歌十二曲其三曰戰武牢言太宗討王世充竇建德助逆師奮擊武牢下擒之遂降世

充也司馬溫公題虎牢關詩云天險限
西東難名造化功路邀三晉會勢壓兩
河碓餘雪霑枯草驚飈捲短蓬徒觀爭
戰處今古索然空王安石亦有虎牢關
下水逶迤之句金末趙秉文有詩云兩
崖峽束枕洪濤自古英雄爭虎牢蒼天
胡爲設此險長使戰骨如山高

成臯故關

在滎陽縣東南二里洛陽記云洛陽在
四關之內左成臯關隋大業九年移成

皋闕于虎牢城西邊黃河當汜水之上
按故闕在縣東今在縣南唐呂溫字和
叔作成皋銘

汜水闕

汜水之東虢國鄭滅之爲制邑所謂制
巖邑隋開皇八年改成皋曰汜水唐神
龍元年縣屬孟州有汜水闕宋大中祥
符四年改爲行慶闕東南有成皋故闕
西南有旋門故闕王荊公題詩汜水闕
寺壁有汜水鴻溝楚漢間之句

旋門闕庭門闕

在汜水縣西南十里即八闕之一也又
云旋門坂東京賦所謂東門于旋也
爲刊二古邑

屬鄭地見杜預注春秋魯隱公十一年
鴻溝

在滎陽縣西即劉項分界之所北接廣
武山與滎澤相連應劭注漢書小異文
穎曰於滎陽下引河東南為鴻溝以通
宋鄭陳蔡曹衛與濟汝淮泗會于楚即

官渡水也今廣武山上有石刻大書鴻
溝二字左右扶書八字西屬汜水東隸
滎陽呂蒙正嘗有詩懷古其詩曰溝中
流水已成塵溝畔荒涼起暮雲大抵華
戎須一統可能天地更分平烟橫綠野
山空在樹倚高原日漸曛閑凭征鞍思
往事數聲長笛馬前聞

僕射陂

在管城縣東南四里後魏以此陂賜僕
射李冲因呼爲僕射陂周回十八里

汴渠

在河陰縣南二百五十步首受黃河一
名通濟一名良砦渠漢書謂滎陽漕渠
如淳謂矜磔溪是也水經云河水入東
過滎陽北良砦渠出焉酈元注云大禹
塞滎澤以開渠通淮泗又後漢書初平
帝時河汴決壞未及得修汴渠東侵日
月彌廣水門故處皆在河中永平十二
年議修汴渠乃引樂浪人王景問治水
形便景陳其利害應對敏給帝善之乃

賜景山海經河渠書禹貢圖及錢帛秘
物遂發卒數十萬遣景與將作謁者王
吳修渠築隄起自滎陽東至千乘海口
千餘里景乃商度地勢鑿山截澗防遏
衝要䟽決壅積十里立一水門令更相
洄注無復潰漏之患明年渠成帝親循
行詔濱河郡國置河隄負吏如西京舊
制靈帝建寧中又增修石門以遏渠口
又坤元錄云自宋武北征之後復皆湮
塞隋大業元年再令開導名爲通濟渠

引河水入河汴河自夫梁之東引入泗通

于淮至江都宮入于海亦謂之御河河

畔築御道植柳煬帝巡幸乘龍舟而往

至于江都其交廣荆揚益越等州運漕

即此渠也周顯德五年四月浚汴口導

河疏達于淮於是江淮舟楫始通又六

年二月命王朴如河陰按行河隄立斗

於汴口魏泰著東軒筆錄云汴渠舊例

十月閉口則舟楫不行王安石富國欲

通冬運遂不令閉口水既淺溢舟不可

行而流冰頗損舟楫於是以船輪數十
前設巨碓以搗流冰而役夫苦寒死者
甚衆京師有頗語云昔有磨去磨冰漿
水今見碓搗凌

牽渠

在管城縣界魏書牽招字子經爲廣武
太守郡中井多鹹人遠汲水往復七里
招乃望勢鑿源開渠注入城中人賴之
號曰牽渠

殷渠

大元大一統志卷第三百五十六

秦進 集賢大學士資善大夫同知宣徽院事臣字蘭貯

昭文館大學士中奉大夫秘書監臣岳 鎔等上進

襄陽路

古蹟

古樊侯國

祥符圖經云鄧城古樊侯國九域志云

仲山甫之國也又有樊侯國在樊侯縣

圖經云樊城在漢江北與襄陽峙立今

城內東北角廟基尚存

古鄧城縣

元和志云在襄陽東北二十里本春秋
鄧國地寰宇記云即古樊城齊書云建
武中大將軍曹虎鎮此魏孝文帥兵十
萬圍樊城經月不下即此城也天寶中
改臨沮縣貞元中改爲鄧城縣李心傳
繫年錄紹興七年廢鄧城縣爲鎮入襄
陽縣

大隄城

今城是李白有大隄曲李善義大隄曲

云酒旗相望大隄頭隄下連橋隄下樓
燕日暮行人爭沒急棹聲幽軟滿中流王
荆公擬賦峴臺詩城似大隄來宛宛溪
如青漢落潏潏

夫人城

即晉朱序母韓夫人率女婢所築元和
志則載于襄陽縣謂之理中城寰宇記
則載之鄧城下按鄧城在襄陽之北十
三里方秦敗朱序於襄陽城韓夫人不
應率女婢往遠縣境內築城寰宇記

云恐非

羅國城

在南漳縣東南八十里舊在中廬縣南

五十里春秋楚使莫敖伐羅于此城是

也

鄧城

在鄧城南八里即古鄧子之國鄧南鄙

也

漢宜城故城

在今宜城縣南一十五里唐元和郡國

志云本楚縣其地出美酒李肇國史
補曰酒之美者宜城之九醞梁元帝詩
宜城醞酒今朝熟停鞍繫馬暫棲宿温
庭筠常作歡歌云宜城酒熟花覆橋沙
晴綠鴨鳴咬咬

中廬故城

西漢志顏師古註云在襄陽縣南東漢
有中廬侯國以隋室諱忠故改曰次廬
繫年錄云紹興七年廢中廬縣爲鎮入
南漳圖冊云南漳舊縣在縣東北小義

鋪東即所廢中廬縣是也

山都縣城

寰宇記云秦之邑廢城在中廬鎮

廢樂鄉縣

在襄陽縣南二百二十里本春秋鄧國

地

故臨漢城

元和郡志縣本漢鄧縣地古樊城西魏

于此立安養縣天寶元年改為臨漢縣
關羽圍曹仁于樊即此地今謂之樊城

故博望城

張騫所封也

黎丘城

在宜城縣久廢

羅川城

在宜城縣昔聞夷水歷宜城西山又東

逕羅川城故羅國地也

筑陽縣城

在穀城縣東四里東臨漢江南臨筑水

梁有筑陽城隋開皇初廢十年改爲穀

城縣

南陽城

在穀城縣東南三十二里舊聞司馬周

偁所築

延岑城

在穀城縣西八里南陽人延岑起兵武

當于此築城

陰城

在穀城縣北漢為縣今廢城存

古穀城

在穀城縣西北五里穀伯餘之舊國也

鄴城

今穀城是也漢鄴縣屬南陽郡漢蕭何所封其詳已見前矣寰宇記云故鄴侯城在乾德縣北三里西臨漢江輿地廣記云漢蕭何封邑晉置順陽郡初治鄴焉西魏鄴城郡後周廢入陰城故城在

回縣東北

故乾德縣

在今穀城縣遵教翔鸞漢均三鄉乾德

三年以年號名縣熙寧五年改乾德爲
光化縣屬襄州

固王古城

寰宇記在乾德縣東北五里按穀城縣
圖經云晉咸寧中封扶風王子暢爲順
陽王城內有順陽碑

岑彭馬城

在棗陽縣東北三十里水中有墓石羊

石虎存并收馬去處

東漢襄鄉縣城

輿地廣記云初屬南陽郡後廢城故在
縣東北又有襄鄉故城亦在棗陽縣北
春陵故城

元和郡國志云在棗陽縣南三十里漢
景帝子長沙定王發子春陵戴侯之邑
也按東漢長沙定王發子春陵戴侯仁
家徙南陽元帝六年以蔡陽白水鄉徙
仁爲春陽侯蔡陽屬南陽郡望氣者蘇
伯阿見春陵城喟曰氣佳哉鬱鬱蔥蔥
則南陽之春陵也及世祖即位幸春陵

復其樞役改曰章陵元和志云大曆避
太宗諱改世祖曰代祖

舊城

又名昌城即光武舊宅在棗陽縣東南
二十五里按光武本紀註舊宅在棗陽
東南宅南二里有白水是也圖經又云
有城二坐在縣南約三十里名舊城城
北有臺高二丈上有一石方圓一丈元
和郡縣志云宅南有白水東京賦所謂
白水龍飛是也寰宇記云建武三年六

月春陵祠園廟因置酒舊宅大會父老
故入之地

隆中

元和郡國志云襄陽縣西七里曰隆中

漢晉春秋諸葛亮家南陽在襄城西二
十里號曰隆中蘇東坡詩云諸葛峯西
國千載愛未衰誰言襄陽野生此萬衆
師是公武子有詩云只言天下少霖雨
不知隆中有卧龍之句

冠蓋里

荆州記曰襄陽郡峴首山南至宜城百餘里其間雕牆峻宇漢宣未有鄉士刺史二千石數十家朱軒駢輝華蓋連延掩映于泰山廟下荆州刺史行部見之雅歎其盛號爲冠蓋里

牽羊壇

考舊傳襄陽有壇號牽羊壇刺史初至必牽一羊詣壇逸之以其遭數驗治州之年晉文帝爲刺史羊行六遭不止果八年而驗

晉柏

在峴山下有小碑題曰晉柏柯幹如鐵石

桃林

在襄陽縣南六里南襄州記云桓冲北伐頓軍于此是時食桃至春其核萌生遂成茂林

松嶺

九域志在襄陽界內

楚觀

在府治

鴨湖

在襄陽縣劉備來的盧所到處東流爲

鴨湖

聞喜亭

在府治唐咸通太守裴恒建趙璘作記

今廢

樂善堂

梁簡文爲魯安王鎮襄州日畫前政刺
史李陽等十三人形像于此堂襄陽志

云臺陽鹿角士孟浩其併襄陽人謂之
雅歌堂

在府治今廢三并兵火不存而臺故節

雄覽堂書水觀亭樓臺樓閣樓閣高

在府治原臺水知帶平刻萬里外入處

籌邊堂在府治

在府治

北顧堂

在府治

愛峴閣

在漕治占三峴之勝得中峴爲多

湧月亭

在峴山

漢廣亭

在府北小北門西二百五十步南望羣山環繞有漢水映帶平陸萬里使人感慨又名北顧亭是宋淳熙中安撫使高夔建立端平三年兵火不存而遺址猶

在

三賢堂

張漢陽龐居士孟浩然俱襄陽人謂之
襄陽三賢

四友堂

魏泰于此有四咏詩謂竹栢梧松也

學業堂

者舊相傳孔明讀書之所謂之學業堂
在江之南

劉琦樓

舊在府東二里八十步都城內琦與諸
葛亮謀自安計

王棊樓

在襄陽縣西前人富有題詠

文選樓

舊圖經云梁昭明太子所立以撰文選聚才人賢士劉孝感庾肩吾徐防江伯恭孔敬通惠子悅徐陵王圓孔樂鮑至等十餘人號曰高齋學士今在古城正南去山南東道一百五十步基址猶存

霽景樓

在光化縣李彥字方叔有詩層樓壓清

漢初上使忘歸夕靄藏平野時烟漏翠
微

山南東道樓

舊府治有唐李陽冰篆書山南東道四
大字碑端平丙申襄陽失守此碑蕪沒
淳祐辛亥高達榘襄之後程士元來爲
創立層樓下通市路會俗飲燕于此南
觀羣山北望中原一大勝景

得勝樓

府之東南

思賢樓

府之西南

銅鞮坊

在山南東道樓東按唐李白歌襄陽小
兒齊拍手攔街爭唱白銅鞮故名曰銅
鞮坊宋查道詩云白銅鞮側花迷塢解
佩江邊柳拂青

三顧門

諸葛亮三顧臣于草廬之中自此門出
故也

光武臺

九域志云

劉琦臺

元和郡縣志云劉琦與諸葛孔明登樓
去梯處也

呼鷹臺

寰宇記在鄧城東南東坡詩莫上呼鷹
臺平生笑劉表表有野鷹來曲又李豸
詩曰呼鷹復何用龍卧獨不顧

漁樂亭

在襄陽城外竹溪竹柳森陰諸亭參差
清流貫其間

檀溪

蜀先主乘滴廟馬西走墮於斯溪一躍
而過元和郡國志云在襄陽縣西南初
梁高祖鎮荊州聞齊始安王蕭遙允等
五人輔政謂之五侯歎曰政出多門乃
潛造器械多伐斫竹木沈于檀溪爲舟
裝之備參軍呂僧珍獨悟其旨亦私具
櫓數百張義師起乃取檀溪竹木裝戰

艦諸將爭搗僧珍每船付二張事剋集
今溪已涸非舊

蔡洲

在襄陽縣東北漢水中後漢蔡瑁居其

上因名

清泥洲

在穀城縣

袁曹渡

在穀城昔曹操袁術爭渡於此

白公湍

南雍州記云白起伐楚之日涉此水而
濟號曰白公湍

斬蛟渚

盛宏之荊州記城北沔水先有蛟龍爲
人患鄧遐爲襄陽太守拔劍入水蛟繞
其足遐因揮劍截蛟自後無復蛟患

解佩渚

在襄陽縣西十里宋志云即鄭文甫見
二女之所

抱玉巖

按襄沔記荆山有此巖下和得玉處在

南漳西界

靈泉

在中廬鎮景山鄉靈泉寺

溫湯泉

在襄陽縣

金沙泉

在今宜城縣東一里其水造酒極美世

謂之宜城春又謂竹葉酒

木里溝

後漢王寵爲刺史鑿廣水與木里溝灌
田六千頃宋淳熙十年春太府少卿總
領湖廣財賦蔡戡面見孝宗言襄漢國
家要害而沃野彌望水利弗修衮衮數
千言請復修宜城以廣溉灌詔下其事
于京西俾條上轉運使江溥安撫使知
府事齊慶胄都統制侍衛步軍都都候
郭果相與講究求可任者宜城縣令陳
表臣自言鑿溝溉田令職也矧溝洫在
吾邑乎遂索故跡疏其所以浚導之方



工費之數特以必成之說請自任之奏
上即報可居無何慶胄守鄱陽中書舍
人王秬來爲之代亦以表臣可用于是
調兵民二千民以屬令兵以屬統制官
董佐才畢力疏治既閱月而渠成表臣
因以起水門四十六通舊陂四十有九
平繇役分田畷立約束均水利井井有
序按舊碑鄱水出古中廬西山入清涼
河過靈隄斗折而東爲木渠截渠爲木
里山鑿山脊而下者十五丈激水東注

可千步而山之麓遂窮渠延數百里
後漢王寵守南郡嘗鑿決巖水與之合泉
流灌浸爲頃數千曹魏時梅敷兄弟聚
民萬家據食之謂之柎中時號柎中爲
天下膏腴吳將朱然提精兵爭取其地
不克厥後渠廢宋治平中縣令朱統訪
故道鑿之民享其利凡六十年靖康之
亂沒塞者五十八年乃復通此據重修
木渠記云

赤溝

在穀城縣

葛井

荊州記諸葛亮宅有井

昭王井

韓愈宜城騷記井北有楚昭王廟

王粲井

在襄陽縣西萬山前有石欄唐上元遷

欄於州

長渠

在宜城縣正西按南豐會輦記荆及康

狼楚之西山也水出二山之間曰沔水
楚屈瑕伐羅及鄢亂次以濟是也秦昭
王使白起攻楚去鄢百里立碣壅是水
爲渠以灌鄢楚都也遂拔之漢惠帝改
名宜城韓愈宜城驛記可考曾鞏長渠
記云自起壅水灌鄢爲渠因不廢

清涼堰

九域志召信臣所造

玉池

南都賦其陂鉗盧玉池

濯筆池

在虎頭山華嚴院世傳劉元德濯筆于此又云謝公事見劉瑾謝公巖碑

琵琶池

在襄陽縣東二里

習家池

在宜城縣南一十里其宅在朱欄橋北宅邊一魚池有芙蓉菱荷今人號爲朱

朱欄橋是也

弄珠灘

在城北津

牛首灘

在襄陽縣

鳳臺驛

在襄陽縣舊羅城東門外昔南國有處
女學繡鳳凰一日成功僊去

高陽池

在襄陽縣境晉山簡字季倫鎮襄陽每
臨此池必大醉而歸

大元大一統志卷第三百五十六

(B)
083
0079-1
v.30-37
[no.11
0528449

在城北岸

千首

在襄陽縣

鳳臺

在襄陽縣舊城水門外西南有臺

女學猶成一日成功德去

高陽池

在襄陽縣境晉山南李守倫築襄陽各

路此池山大觀而神

大元大一統志卷第三十五十六

(B)
083
0079-1
v.30-37
[no.1]